

Arkiv: <arkivID><jplD> FA-M42, TI-&00
JournalpostID:
Sakshandsamar:
Dato: 03.03.2021

Saksframlegg

Saksnr.	Uttal	Møtedato
028/21	Alver formannskap	11.03.2021
	Alver kommunestyre	

Forskrift om slamtømming i Alver kommune
RÅDMANNEN SITT FRAMLEGG TIL VEDTAK:

Med heimel i forureiningslova § 26, jf. § 30 vert det vedteke lokal forskrift om slamtømming i Alver kommune.

Alver formannskap 11.03.2021:

Handsaming:

Rådmannen sitt framlegg vart samrøsytes vedteke.

FO- 028/21 Vedtak:

Med heimel i forureiningslova § 26, jf. § 30 vert det vedteke lokal forskrift om slamtømming i Alver kommune.

Politisk handsaming

Saka skal til innstilling i formannskapet.

Saka skal avgjerast i kommunestyret.

Saka gjeld

Alver kommune har etter lov om forureining og avfall (forureiningslova) § 26 ansvar for å sørge for tømming av mindre reinseanlegg. Kommunen kan ha lokal forskrift som er naudsynt for gjennomføring av slamtømminga, jf. forureiningslova §§ 26 og 30.

Nordhordland og Gulen Interkommunale Renovasjonsselskap IKS (NGIR) har fått overført mynde med fakturering, sakshandsaming og administrering av slamtømmeordninga for Alver kommune av Alver kommunestyre 28.11.2019.

Forskrifta som er lagt fram er utarbeida som ei forskrift som skal gjelde felles for kommunane Alver, Austrheim,

Fedje, Solund, Gulen, Masfjorden, Modalen og Solund. Forskrifta må vedtakast i kvar kommune.

Med heimel i Forureiningslova § 30, vedtok deltakarkommunar i NGIR ei felles lokal forskrift for slamtømming i 2004.

Gjeldande forskrift har ikkje vore endra sidan 2004, og det er behov for ei oppdatert forskrift. For Alver kommune var forskrifta frå 2004 gjeldande til 31.12.2020, og det må vedtakast ny forskrift for slamtømming.

Alver formannskap gjorde vedtak den 03.09.2020 om å legge forskrift om slamtømming ut på høyring, med høyringsfrist på 4 veker. Forskrifta er sendt på intern høyring til andre avdelingar i kommunen, og er kunngjort på heimesida og i lokalavisa. Det er ikkje motteke merknadar til forskrifta etter høyringa.

Vurdering

Forskrift om slamtømming er ei lokal forskrift om tømming, transport og handsaming av slam og sanitært avløpsvatn frå private og kommunale avløpsanlegg i kommunen.

Føremålet med forskrifta er å sikra forsvarleg miljøkvalitet ved eit avløpsanlegg, slik at forureining ikkje fører til helseskade, går ut over trivselen eller skader naturens evne til produksjon og sjølvfornyng.

Forskrifta gjeld for heile kommunen og omfattar avløpsanlegg med ein kapasitet på inntil 50 personekvivalentar (pe), og omfattar avløpsanlegg som kan tømmast etter krava i § 8 i forskrifta.

Innhaldet i den nye forskrifta er i hovudsak den same som tidlegare, men kommunen og abonnenten sine pliktar er tydeleggjort. Det gjeld mellom anna krav ved ekstratømming, som er tømming av tank ut over det tømmeintervallet som kommunen har satt. Det er lagt inn tydeleg krav til køyrbar veg, som skal sikre god vegstandard der tømmebilen skal fram og som i større grad sikrar betre trafikktryggleik ved tømming.

Rådmannen rår til at det vert vedteke ny lokal forskrift for slamtømming i Alver kommune.

Vedlegg i saken:

10.09.2020	Forskrift om slamtømming i Alver kommune på høyring	1443434
04.03.2021	Forskrift om slamtømming	1521643